

18. november 2015

Inatsisartut suleriaasianni § 37 naapertorlugu matumuuna Naalakkersuisunut apeqqutit imaattut saqqummiuppakka:

Apeqqutit:

1. Innarluutillit najugaqarfii Ivaaqqap ataaniittut pisortaniit qaqugukkut alakkarneqartarpat aammalu qaqugukkut nakkutigineqarnerat pisarpa?
2. Innarluutillit qassit Ivaaqqami najugaqarpat?
3. Innarluutillit qassit Qaqortup avataani najugaqarpat?
4. Angajoqqaat Qaqortup avataani najugallit qanoq akuutinneqartigippat?
5. Sulisut qassiuppat?
 - a. taakkunani qassit ilinniarsimasuuppat
 - b. qassit ilinniarsimasuunnngillat?
6. Sulisut atukkamikkut qanoq inissisimanagerat toqqisisimanngippatalu sumut saaffiginnissappat?
 - a. Illersorneqarsinnaanagerat qanoq nakuutigiva?
7. Pisortaqarnikkut qanoq inissisimappat?
 - a. Pisortamik atorfinitsitsisarneq kiap akisussaaffigaa?
8. Pisortassatut qinnuteqarsimasut qassiusimappat?
9. Pisortamik atorfinitsitsinermut suut tunngavilersuutaappat, suut piumasagaataappat?
10. Ulloq unnuarlu angerlarsimaffik namminersorlutik oqartussat akisussaaffigimmassuk, kina immaqaluunniit kikkut akisussaappat?

(inatsisartuni ilaasortaq Laura Táunâjik, Siumut)

Tunngavilersuut:

Uge 44-mi Qaqortumiinninni innarluutilinnut najugaqarfik Ivaaraq alakkarpara. Takusakka malugisakkalu arlalitsigut paasisaqarusulernermik imaqarput.

Sulisut atukkamikku toqqissisimannginnerat ersarippoq. Aamma najugaqarfik Ivaaqqami najugallit illersorniarlugit sulisut toqqissisimanissaat pingaaruteqarluinnartutut isigigakku, taamaamat isuumqarpunga pingaaruteqartoq qanimut tikillugu pisortanit tusarniaavigineqarnissaa.

Suliffeqarfik angisuujuvoq pisortaniillu pigineqarluni. Inunnut arlalinnut attuumassuteqartuuvoq: najugaqartunut, angajoqqaanut, sulisunut, kommunenut. Kommunep suliffissatigut annertuumik atorluaraa ilisimavara. Uanili pisut tusakkakka takusakkalu isiginngittuusaarsinnaannginnakkit qinikkatut qisuariarnissarsa pingaartilluinnarsimavara.

Uani inuit pineqarmata. Takusinnaagakku piaartumik iliuuseqartoqanngippat kingunissai ernumagineqarsinnaasut. Meeqqanut inuusuttunullu najugalinnut angajoqqaajusunut ernumaneq annertoq takuara. Ernumaneq takunngitsuusaarneqarsinnaanngitsoq miserratigineqarsinnaanngit-sorlu saaffiginnittumik ersersinneqarpoq. Uani inuk ataaseq kisiat pineqanngimmat.

Qulaani paasiumasakka ersarissumik akineqarnissaat kissaatigaara. Innarluutillit inuttut nalilittut isigalugit illersorlugillu sullinneqarnissaat pingaartinneqavittutut isigineqarnissaa pingaartikkakku.

Apeqquteqaatimma ullut suliffiusut qulit naatinnagit akineqareersimanissaat kissaatigaara.